

LA VOIX DV PEUPLE,
de Prouence.
Contre les Armes de Monsieur
le Comte d'Alais.



ON DI EV, que tardez-vous de châtier aux yeux de vostre peuple des attentats si exécrationnels? On vole, on pille, on ravage, on viole, on embrase les villes & les campagnes, on les fait nager dans les meurtres & dans le sang, & vous differez, Seigneur, d'escraser ces testés criminelles? Deliurez vostre peuple qui perit par la faim, par le feu, par le fer, en faisant périr l'auteur de tous les maux. Vostre Iustice doit la punition d'un coupable à la deliuranee d'un million d'innocens. Les cris de tant de vesues à qui on a massacré leurs maris: le desespoir de tant de meres pour l'honneur qu'elles ont veu rair à leurs filles sans pou- uoir les garantir: Les larmes de tant de peres qui ont veu esgorger leurs enfans, & l'horreur de tant de familles qu'on a réduit à l'ex- trême misere par les saecages & les embrasemens, reclament in- cessamment vostre iuste vengeance.

Vous ne pouuez pas (Grand Dieu) la refuser pour le salut de toute vne Prouence malheureusement opprimée par celuy qui estoit estably pour la deffendre, & qui bien loin de la protéger des vio- lances estrangeres, paroît en teste d'une Armée pour la destruire luy-mesme: Qui bien loin de la faire jouyr des libertez esquelles la clemence du Roy venoit de la restablir, il veut la rendre son es- claué, & luy rair tous les Priuileges que la bonté de son Prince luy a si liberalement accordés: Qui bien loin de luy conseruer cette paix que les Declarations publiques luy auoient redonnée, luy de- clare ouuertement la guerre, y fait entrer hostilement des troupes sans les ordres du Roy pour executer ses vengeance: & par vn re- doublement de crime il arme contre leur propre mere les mains paricides des mauuais Citoyens, & les pousse en frenetiques à se

2
porter eux-mesmes la dague dans le sein, & deuorer comme Dragons acharnez leurs enfans & leurs freres, & les enseuelir sous les ruynes de leur patrie, pour laisser à la posterité de marques de leur perfide cruauté.

Et pour couronner ses oppressions, il traite de rebelles & d'ennemis de l'Estat: Il menace d'exil & d'incendie tous les fideles compatriotes qui s'opposent à ses rauages, & qui exposent genereusement & leurs biens & leurs vies pour le salut public. Il veut faire passer pour le plus noir de tous les crimes la deffence de leur Pays, & par vne profanation insigne condamner de trahison vne si eminente vertu. Chose estrange! de vouloir supprimer vne loy que la Nature a grauee dans le cœur de tous les hommes, de vouloir rendre criminel vn deuoir de charité que les Payens mesmes reuerent, & effacer vne obligation que toutes les parties se doiuent pour le soutien du corps qu'elles composent? C'a esté parmy tous les peuples vne action heroïque & sacrée de s'immoler pour le salut de sa Patrie, & icy c'est vn attentat de ne conspirer pas à sa ruyne: On ordonnoit de recompenses & de couronnes à ceux qui auoient sauué leurs Concitoyens: & icy on prepare de supplices à ceux qui ne protegent pas leurs ennemis, ou qui reffusent de signer de ligues contre les libertez publiques: On mettoit parmy les Dieux ces Heros qui auoient exposé leurs vies pour garantir celles de leurs Compatriotes: & à present on menace du gibet, ou on punit d'un exil ceux qui ne conjurent pas à la perte de leurs Concitoyens.

En effet, nostre persecuteur au prejudice d'un droit si legitime & si naturel, & à la honte du Christianisme, n'a-il pas porté ses armes contre Draguignan pour forcer sa fidelité. N'a-il pas pros-cript de Tharascon & de Tholon les plus importantes familles pour auoir teimoigné leurs iustes sentimens à l'interest public, comme si ce zele pour la patrie estoit vn mal contagieux. N'a il pas exilé de Brignolle avec scandale tous les Officiers de Iustice, & fait emprisonner honteusement l'un de ses principaux Chefs? N'a-il pas en teste de ses troupes menassé Tretz de degast si il ne luy ouuroit ses Portes, que ce genereux Village luy a si constamment fermées en veüe de toute son armee sans s'ebrouler de ses courtes. ny de ses menasses? N'a-il pas tasché de surprendre par de lettres de cachet anterieures aux ordres subseqvents qui les reuoquent, dont Monsieur d'Estampes est le porteur, deux cens des principales villes de la Prouince qui ont paru inesbranlables au seruire qu'elles doiuent au bien de leur Pays? Enfin n'a-il pas, non seulement descrié dans

l'une de nos capitales villes ceux qui vouloient deffendre ses libertez, & les garantir de la servitude à laquelle il la soubmet insensiblement par des apparences trompeuses : mais encores fait dresser plusieurs fois des embusches pour les y faire assassiner, les preuues en estants dans des lettres qu'on a interceptees & enuoyees à sa Majesté pour luy demander Iustice, en faueur de ceux qui pour auoir sellé de leur sang leur fidelité inuiolable au seruice de leur Prince, & de leur Patrie, sont traictez de factieux & de rebelles dans ses Manifestes parce qu'ils se sont opposez à ses rapines & à ses injustes desseins.

Et que n'a-il tenté contre cette illustre ville d'Aix pour auoir montré tant de zele & de chaleur à la cause publique? Ne l'a-il pas blasmée d'intelligence avec l'Espagne parce qu'elle n'en a point voulu auoir avec le perturbateur du public? N'a-il pas donné le nom de rebellion à sa fidelité? N'a-il pas poursuuy l'exil de ses Cours souueraines parce qu'elles n'ont pas voulu flechir aux injustes demandes qu'il a fait au Pays? N'a-il pas demandé le demantelement de ses murailles afin qu'elles fussent ouuertes au pillage de ses funestes troupes : & tout presentement ne vient-il pas de rauager ses terres, brusler les granges, enleuer les grains & les bestiaux, declarer la guerre aux bœufs, aux asnes, & aux poules, & laissé par tout son terroir l'horreur, la famine, les cris, & la mandicité par des exploits illustres & dignes d'un si grand conquerant.

Ce sont là les effects de la vengeance qu'il a puis long temps iuré contre la ville d'Aix : les Propheties qu'on auoit hautement publié dans sa maison à sa sortie d'Aix, qu'il n'y reuiendrait iamais qu'à main armée, sont enfin accomplies. Il ne niera plus maintenant qu'il n'aye commencé la guerre puis que ses desseins paroissent à descouuert, & que tant d'appareils auxquels on traualloit depuis plus de quatre mois, iustifient clairement qu'il l'auoit preparée, & les vains pretextes qu'il prenoit de l'escorte des Commissaires, sont entièrement dissipés, puis que ses troupes estoient comme de personnages qu'on tient cachez sous la tapisserie qui parurent le mesme iour, & coururent à leur passage pour les sacrifier à sa rage s'ils n'eussent esté en estat de deffence.

Quoy donc : la ville d'Aix estoit elle criminelle d'auoir pourueu à la seurere de ses Magistrats? Estoit-ce bien un sujet legitime de proclamer la guerre, de faire deuorer la Prouince, de porter par tout le fer & le feu, & de declarer les Corps de la Iustice souueraine rebelles? Est-ce rebellion de conseruer au Roy la Patrie, & d'y

4

appuyer la Iustice? Est-ce reuolte de vouloir maintenir contre la violence les Priuileges de son Pays, & les Declarations de son Prince? Est-ce perfidie de deffendre d'oppression les Iuges legitimes, & d'empescher la Iustice d'estre esclauée des volonte'z d'autrui, ou d'estre administree par les supposts d'une autorité injustement usurpee.

Non, non, fidelle ville d'Aix, ce n'est pas là ton crime, c'est qu'il te reste encore de sang dans tes veines que l'on veut espuiser iusques à la derniere goutte; on veut que tu payes en vne seule fois ce que les autres villes ont payé puis vnze annees de son Gouuernement: Il a espuisé les ruisseaux, il veut en prendre dans les riuieres, il veut ouurir toutes les veines, il en veut auoir de toutes parts: Les huict monstres par an payees à son Regiment lors mesmes qu'il tiroit la solde du Roy, ne l'ont pas rassasié: l'vsure de dix pour cent pour chaque Compagnie, les cent escus par iour pour sa Compagnie d'Ordonnance, & les rançonnemens exigez pour les logemens des Soldats ne le satisfont pas: les deniers reuenans bons, les sommes immenses que les passeports des bleds, & la participation au cartier d'Hyuer ont jeté dans les coffres ne suffisoient pas: les vingt-huict mil liu. du siege de Tholon, les soixante-quatre mil d'assignation sur le Semestre, ny enfin les leuees indicibles sur le peuple que les Comptes du Pais & ceux de toutes les Communautez justifiét, n'ont pas esté suffisantes pour assouir son auarice: Il luy faut le pillage d'Aix, les rauages de son Terroir, & de toutes ses villes voisines.

Et parce que les Compagnies Souueraines sont les seules dignes qui peuent s'opposer à ce torrent qui entraine le reste de nos biens, il les descrie dans son dernier Libel plus digne du feu que de response, comme remply d'inec'liues infames & de calomnie punissables: Il publie le Parlement apres l'auoir traicté d'impie, de sacrilege, d'Athée, d'infame, & de corrompu, pour Autheur des Edicts qui furent subrogez aux Presidiaux, & l'accuse mesmes d'y auoir profité de grandes sommes: Mais les Registres du Conseil du Roy & ceux du Parlement, tesmoins irreprochables de son innocence, conuainquent de faux cette imposture; car ils justifient que le Roy ayant veu l'Edict des Presidiaux, le Parlement & le Pays s'y estans opposez, comme à vn Edict qui luy estoit ruineux & à tout le public, soit pour la multiplicité des Offices, soit pour la diuision de la Iustice Souueraine, laquelle eust entrainé vne infinité de desordres & de contentions dans toutes les villes, sur tout en vn ressort de si petite estendue. Le Roy meu de ces raisons accorda la suppression
de

5

de cet Edict, mais il voulut pour la necessité de ses affaires que le Traictant qui luy auoit fait des aduances, eust son remboursement sur des autres Edicts.

Parlez Declamateur à gages, en quoy le Parlement est-il coupable ? n'est-ce pas au Partisan de l'Edict des Presidiaux que tous les Edicts doiuent estre justement imputez, puis qu'ils en sont les Auteurs & les Parties qui les ont poursuiuis pour leur interest & leur remboursement. Tout le monde les connoist, ces infames Compatriotes deserteurs de la ville d'Aix, d'où les remors de leurs conscience les a chassés pour s'aller joindre à celuy qui les a tousiours protegez, & avec lequel ils conspirent maintenant de la ruine de leur Patrie : Tout le monde scait que ce sont ceux-là mesmes qui ont trempé à toutes les nouveautez, & qui ont esté employez pour les Partisans des Requestes.

C'est à eux qu'il faut s'en prendre pour tous ces Edicts, & non pas au Parlement qui n'en est ny l'auteur ny la cause ; & pleust à Dieu qu'il eust dépendu de luy de les empescher & d'en soulager la Prouince ! Qui peut douter qu'il ne l'eust fait avec joye ? car quand le zele que les Officiers ont au soulagement du peuple ; quand leur conscience & leur honneur ne seroient pas de motifs assez pressans pour les porter à ce deuoir, n'y seroient-ils pas assez obligez par leur interest propre, & par celuy de leurs enfans, de leurs freres, & de tous leurs parents, qui s'y trouuent interessez dans l'interest public : Peut-on desoler la Prouinee qu'ils ne se trouuent enuolopez dans ceste desolation ? Peut elle perir qu'ils ne perissent avec elle ? comme estans des principaux membres de ce corps, & leurs biens, leurs terres, & leurs maisons y estans enclauées.

Aussi qu'on parcoure les Registres de l'une & l'autre Cour, & on y trouuera plus de soixante Edicts pernicieux à la Prouince rejettez, nonobstant les jussions reiterees, voire depuis dix ans combien les Officiers de ces deux Compagnies ont-ils souffert de creuës de citations, & des interdictions sur le refus de quantité d'Edicts, mesmes de l'Eslection, des Auditeurs des Comptes, de taxes sur les aisez, du cinq pour cent, de la Comptabilité, de taxes sur chaque ville, & de tant d'autres dont les Registres font foy, qui alloient à la subuersion entiere du Pais, à la conseruation duquel ces deux Cours sont trop attachees par toute sorte de deuoirs & d'interests pour s'en despartir jamais.

Et pleust à Dieu que celuy qui les accuse fust interessé comme eux dans nos pertes & dans nos souffrances, il ne les causeroit pas

comme il fait ! Pleust à Dieu qu'il eust de freres, des enfans, & de parents engagez dans les malheurs qu'il nous procure, il se lairroit toucher à la compassion ! Pleust à Dieu qu'il eust de biens & de maisons que l'embrasement peust réduire en cendres, il ne l'auroit pas excité comme il a fait.

Mais ses interests sont bien differents des nostres, tant s'en faut qu'il perde dans nos pertes, ny qu'il souffre dans nos souffrances, qu'il en rit & en profite, il ne peut s'enrichir que de nos despoüilles, il ne peut grossir que de nostre substance, il ne peut s'esleuer que sur les ruines de nos villes & de nos murailles qu'il tasche d'abatre, il ne peut se fortifier qu'en nous affoiblissant, il ne peut nous sousmettre à son ambition qu'en nous diuisant, ny s'vsurper cette autorité souueraine à laquelle il vise si ouuertement, qu'en depriuant toutes les puissances qui peuuent luy resister, qu'en esloignant desemplois les personnes zelees pour le public, & des interessees ; & jettant le schisme dans tous les corps pour nous perdre par nous mesmes.

Et c'est pour cela qu'il auoit forgé cette funeste Chambre des Requestes pour se faire vn Party dans le Parlement, & sousmettre les trois Estats de la Prouince en leur donnant des Iuges dependans de sa volonté : C'est pour ce mesme dessein qu'il transforma cette Chambre en Semestre pour nourrir de contentions perpetuelles dans ce corps, & se rendre le Maistre de la Iustice, & des Arrests, & de la verification de toute sorte d'Edicts sur le peuple, ayant tousiours mis en vsage cette pernicieuse politique qui veut diuiser pour regner, de laquelle se sont seruis tous ceux qui ont voulu vsurper vne autorité tyrannique sur les peuples, & affoiblir le pouuoir des Princes legitimes, ou opprimer le droit des Sujets ; car ils ont tousiours vise là de jeter la diuision dans les Cours Souueraines, que nos plus Grands Roys ont avec raison establies comme les rampars de leur puissance, les Depositaires de leur Iustice, & l'ostage de l'amour qu'ils ont pour leurs sujets, ayans jugé que la grandeur de leur Estat, & la fidelité de leur peuple ne pouuoit estre conseruee que par ces nobles Corps de Iustice qui dispensent les suplices & les recompenses, & defendent les peuples des injures & des malheurs bien loin de les y precipiter.

Aussi n'a-on iamais entrepris d'abatre ces Corps Illustres que pour faire ouuerture aux Edicts sur le peuple, enuahir les biens des Prouinces, & rendre la fortune publique dependante de l'ambition d'un seul.

Et sans que nous cherchions ailleurs (Chers Patriotes) des preuves de cette verité, nos miseres presentes nous la rendent trop sensible: Nous nous abusions de croire que Mr. le Comte d'Alais eust introduit ces nouveautez à dessein d'abattre le Parlement, car il scait assez que ce Corps est trop vaste & trop estendu pour perir de ses coups, & que la Justice n'est pas moins inébranlable que la Majesté Royale qui en est le principe & l'appuy, c'est à nous seuls qu'il en veut, quand il tasche d'ébranler ces Colomnes qui soutiennent nos fortunes & nos familles; c'est à nos biens, à nos personnes, & à nos libertez que les desseins visent, quand il s'en prend aux Pasteurs qui veillent pour nostre defence, & qui s'opposent à ces Loups ravisans qui cherchent de nous esgorger.

Si le Parlement eust voulu estre complice de ses pernicieux desseins, s'il eust voulu consentir à ses demandes, s'il eust voulu se rendre souple à ses volonte, & abandonner l'interest du public, il n'y auroit jamais eu de Requestes, nous ne connoistrions pas seulement le nom de Semestre, & le Parlement n'eust pas esté vexé par tant de citations, de pertes, & d'exils, il eust vescu avec luy dans vne estroite vnion; mais parce qu'on n'a pas voulu flechir à ses intentions contraires au bien public, il a voulu subroger d'autres Juges de sa dependance, sans se soucier de profaner la Justice par le choix de Docteurs de huit iours, sans estude, & sans experience, & de personnes mesprisables, ou par leurs naissances, ou par leurs humeurs, pourveu qu'ils fussent des ministres de ses volonte, & des executeurs aveugles de ses desseins.

Aussi d'abord qu'il eut jeté dans ce Corps ces partisans de ses interests, & qu'il y eust mis par ce moyen la diuision, il fit clairement conoistre que tous ces artifices qu'il auoit employés n'auoient autre object que l'eleuement de son ambition, & l'assouuissement de son auarice.

Nous recogneumes à l'instant dans nos Hostels de Ville nos Priuileges cassez, nos libertez violees, nos Electiones Consulaires aneanties. & en suite nos contributions accreües, nos deniers enleuez, & nos fortunes espuisées. Nous trouuâmes dans toutes nos villes & nos Campagnes des vestiges sanglans de ce funeste Regiment, des Contracets passez par les armes, des Transactions écrites avec le fer de vangeances, de meurtres, & des hostilitéz effroyables.

Et si nous donnons la liberté à tous les oppressez de se plaindre, nous trouuerons vne infinité de gens de bien de tous endroits qui

ont porté le joug de sa domination, & souffert ses oppressions dans le silence, pource que les plaintes les plus justes estoient punies, iusque là qu'il nous a souuent empesché d'aller porter nos remonstrances aux pieds de leurs Majestez par des menaces qu'il a souuent fait à diuers Deputez, & depuis trois iours n'a-il pas fait arrester nos Courriers, & enleuer nos pacquets contre tous les droicts de la Sauue-garde publique pour preuenir le Conseil du Roy, & nous oster le moyen de le detromper de ses calomnies.

Quoy donc serons-nous tousiours insensibles à nos miseres? ce Tonnerre qui vient d'éclatter n'est il pas assez resonnant pour nous éveiller, & nous obliger de reuenir à nous mesmes? Qu'attendons-nous de rendre à nostre Patrie la fidelité que nous luy deuõs? Il n'est plus temps de luy differer nostre secours, & de nous mettre en defense; Car enfin cette espaisse nuee qui s'estoit enflee du sang innocent & des larmes des peuples, degorge le sang qu'elle auoit attiré, & verse les larmes dont elle est abreuee: Elle a enfin paru cette armee des vangeances pour nous fouler aux pieds, & exterminer vn nombre d'innocens.

Iamais marche des Empereurs Romains a esté plus pompeuse, & iamais l'Histoire nous a marqué des haults faits plus celebres d'un General d'Armee. Il fit son premier logement dans Auriol pour s'auancer à Tretz qu'il auoit menassé d'un siege, mais la genereuse resolution qu'il vid aux habitans de se vouloir deffendre, luy fit tourner ses armes triomphantes toutes chargées de despoilles des pauvres Laboureurs, de bœufs & de mulets qu'on emmenoit captifs vers les preys de Gardanne d'où il vint le lendemain faire sommer la ville d'Aix de se rendre, & apres auoir pillé & bruslé son terroir, il fila à Aguilles, & de là à la Fare petit Bourg du Sr. President d'Oppede, où il fut repoussé avec la perte de quelques-vns de ses Caualliers, laquelle il creut de venger en luy faisant brusler vn gerberon de bled. Le iour suiuant s'estant présenté à Sallon qui est au Sieur Archeuesque d'Arles, il y fut reffusé & contraint de se jetter dans Pellissane village voisin où il s'est rettanché.

Il a durant route sa marche rendu durant dix iours de combats si illustres, & fait de si glorieuses conquestes, qu'on ne doit pas taire à la posterité les plus importantes, qui sont, Qu'on a par tout forcé la bourse des pauvres Villageois. Qu'on a violé les filles en l'aage de neuf ans: Massacré les rentiers de la grange du Sr. de Funeau: Enleué deux femmes d'être les mains de leurs marys: Assommé à force de coups trois Païsants d'Auriol apres rauagé tout ce pauvre village

village appartenant à Mr. le Cardinal de Lyon, auquel il rend par là l'eschange des signalez bien-faits qu'il auoit receu du feu Cardinal son frere: Qu'on a chassé les habitans de leurs maisons, ou contraincts de les abandonner pour ne pas voir de si funestes spectacles: Qu'apres s'estre gorgez de vin & de viandes, & de toute la substance de leurs miserables hostes, on a versé confusement dans les ruës à Gardanne les farines, les grains, les huiles, & le vin & bruslé les fourrages qu'ils n'ont peu consumer: Qu'on a emmené tous leurs bestiaux, emporté les matelats, les linges & vaisselle, & bruslé dans les places les meubles qu'ils n'ont peu emporter: Et qu'en fin on a exercé toutes les hostilitéz que les Chrestiens ne pourroient pas mesmes apprehéder du Turc s'il entroit das nos villes

Ne scait-on pas qu'une pauvre femme d'Aubagne luy ayant porté plainte du cruel & brutal violement de sa fille, aagée seulement de neuf ans, il fit en apparence condamner à la mort le coupable, mais par vn ordre secret il le fit tirer du gibet par vn mespris ouuert à la Iustice de Dieu & à celle des hommes: Aussi tant d'autres filles rauies par ses troupes, & tant d'autres femmes violees, ne demandent plus Iustice qu'à Dieu de ces horribles crimes, puis qu'elles n'en peuuent auoir des hommes.

Falloit-il moins esperer de cette armee qui n'a point d'autre subsistance que le larcin, ny d'autre sujet qu'une injuste vengeance, aussi tous ses progres les plus illustres sont les bruslemens & les saccages des metairies dans le terroir d'Aix, & l'inecndie des gerbes & des moissons qui sont encores aux champs: l'enleuement des bestiaux, le coupement des arbres, enfin la desolation vniuerselle de la campagne.

Aussi à voir le bagage de cette armee composé d'un nombre infiny de bœufs, de brebis, d'asnes, de mulets, de poules, de juments, de toute sorte de hardes, meubles, vrancilles, & habillemens des pauvres habitans qu'on a impitoyablement despoillez: ne diroit-on pas que c'est une armee de fripiers dans vn marché infame de larcin & de brigandages, conduit par de picoreurs qui sont insensibles aux larmes des Villageois & des Laboureurs qui les reclament: On y voit vendre comme à vn inquant public, toute sorte de meubles & de danrees, & comme dans une Foire on y voit impunement une debite ouuerte de toutes leurs voleries

On a veu cette glorieuse armee camper deuant une metairie du Sr. Barate d'Aix, qui s'est attaché courageusement aux interests de sa Patrie, & quitté ceux de Mr. le Comte d'Alais, qui par vn

acte memorable de vengeance commanda qu'on y mist le feu en sa presence, pour auoir le mesme plaisir que voulut auoir Neron de voir brusler la ville de Rome, n'ayant pas mesmes espargné au rerroir d'Aix les maisons de plaissance où il auoit souuent aux despens du maistre prins ses recreations.

Bref: luy qui proteste dans ses Manifestes qu'il ne declare la guerre qu'à la seule ville d'Aix, pourquoy a-il desia desolé toute cette Prouince, & reduit à l'extremite de la misere & de la faim tous les lieux qui l'ont receu? il en a emporté plus de trois cens mil liures: il a gasté tout ce qu'il n'a peu emporter, & ruyné indifferemment tous les lieux, ou par les substances ou par ses logemens.

Helas! quels crimes auoient commis ces pauures villageois pour estre punis de la sorte? Que deuiendront tant de pauures familles errantes dans les champs qui broutent l'herbe pour viure? Ne sont ils pas Chrestiens, & fidelles sujets du Roy? Pense-on que Dieu n'escoute pas leurs plaintes, & que leurs cris n'attirent la colere du Ciel.

Mais ce n'estoit pas assez à cette armee criminelle de s'en estre prins contre les hommes, elle a voulu s'en prendre contre Dieu mesme: C'estoit trop peu d'auoir corrompu la virginité des filles, d'auoir pollué la sainteté des Mariages, de s'estre souillée du sang des innocens, & d'auoir laissé par tout les marques sanglantes de la cruauté, elle a encore voulu prophaner la sainteté des Autels, & commettre vn sacrilege le plus horrible qu'on puisse conceuoir dans la Chappelle d'une maison aux Champs du Sieur de Gauthier Conseiller au Parlement, où après auoir porté leurs mains impies sur vn Calice qu'ils ont emporté, ils acheuerent leur sacrilege par le brisement à coups de marteaux de la pierre sacrée de l'Autel par cent coups de poignard, dont ils percerent vne Image qui representoit la sainte Vierge tenant Iesus entre ses bras, & par le deschiement des ornemens Sacerdotaux qui furent mis en pieces, & jettez dans le feu qui acheuoit de brusler tous le bastiment & tous les meubles de cette belle maison qui fut reduite en cendres, & après les vignes arrachees, les arbres coupez, les gerberons brûlez, & tous les bestiaux & les meubles precieux enleuez.

Grand Dieu: qui auez voulu estre appelé le Dieu des Armees, souffrirez vous qu'on prenne les armes contre vous mesmes, & qu'on les employe pour commettre des impietez, & des sacrileges si execrables? Permettez vous qu'on en abuse en des vengeancees si inhumaines? & que le pauvre dont vous auez prins tant de

soin, que vous recommandez si estroitement comme vostre propre personne, & que vous auez racheté de vostre sang aussi bien que les Princes, perisse sous le fais de tant de persecutions? Et cette voix qui s'esleue de la terre ne sera-elle pas portée iusques à vostre Throsne pour attirer sur les infracteurs de vos loix les carreaux de vostre indignation.

Il ne faut esperer, & cependant deffendons nos biens avec honneur; ne les abandonnons pas à la mercy de cette multitude de voleurs qui sous le nom d'une Armee du Roy exercent vn vilain brigandage: Deffendons la cause commune, puis qu'il nous montre que c'est à toute la Prouince qu'il en veut: Nous en auons vne preuue litterale par les demandes qu'il fit à Messieurs les Deputez du Languedoc, dont il n'y en a pas vne seule qui ne regarde l'intérest du Corps du Pays: Mais nous en auons à présent vne conuiction plus pressante par les effets de ses armes, puis qu'il traite avec tant d'inhumanité iusques à ses hostes, & ceux qu'il appelle ses amis, & qu'il rauage par tout indistinctement.

Ce n'est pas icy (Cher Peuple) vne querelle particuliere: Ce n'est pas l'intérest singulier d'aucune ville ny d'aucune Compagnie, tout l'intérest de cette guerre est public, il touche toutes les villes & toute la Prouince esgalement. Et neantmoins ô aveuglement estrange: toutes ne conspirent pas également au salut de la cause publique: Ouurez les yeux enfans qu'on a desbauchez d'un deuoir si naturel reuenez à la voix de la Prouince vostre Mere qui vous rappelle & vous demande secours.

Posez les armes criminelles que vous veulent enfonser dans son sein: Que croyez vous de pouuoir recueillir des cendres de vostre Patrie dont vous poursuivez l'embrasement. Pensez-vous bien vous engraisser des cadavres de vos Compatriotes que vous allez immoler à la vengeance d'un ennemy public. Pretendez-vous de vous enrichir du pillage que vous scauez estre promis aux estrangers? Enfin voudriez vous esleuer vostre fortune & vostre Maison sur les ruines de celles de vos freres & de vos parents?

Vous voyez la ville d'Aix, quoy que la moins interessée en toutes les surcharges qu'on veut remettre sur le Pais contre la foy des Traitez solempnels, qu'elle n'espargne ny soins, ny perils, ny les biens, ny les vies de ses habitans pour le seul zele du bien de la Prouince: Vous voyez l'exemple de la pluspart des villes qui se puisent & se sacrifient pour le salut public: Reuenez donc à vous-mesmes, & conspirons tous également au maintien de nos liber-

tez, secouons le joug d'une infame seruitude auquel on nous veut enchaîner, & ne soyons pas nous-mêmes les auteurs de nos maux, & les instruments de nos supplices, nos diuisions ont causé tous nos malheurs, & ont donné tout l'aduantage à nos Ennemis: Nous estions trop puissans pour estre abbatus, si nos broüilleries intestines ne nous eussent affoiblis.

C'a fideles Compatriotes, joignons toutes nos forces contre les perturbateurs de nostre repos, leur perfidie est trop noire, nostre querelle est trop juste, nos sentimens sont trop legitimes, & les interelts de nostre Pais, & de la gloire de nostre Grand Roy y sont trop engagez pour ne pas concourir à l'vnion de nos forces, & au reestablisement de nostre repos.

Tesmoignons à nostre bon Prince qu'il est le vray centre de nos affections, le seul object de nos desseins, & l'vnique but de nos seruices, faisons luy connoistre avec esclat que nos armes ne visent qu'à luy conseruer vne Prouince qui a esté tousiours inebranlable en sa fidelité, nonobstant que ce Calomniateur l'accuse dans son Libel d'auoir fait de vingt en vingt ans des reuoltes contre la verité de l'Histoire qui luy rend ce tesmoignage public d'auoir esté durant mil six cens ans qu'elle a esté sous diuers Maistres, & mesmes depuis enuiron deux siecles qu'elle a fait choix du Maistre qui la gouuerne à present, irreprochable en son obéissance, & qu'elle en a donné des preuues tres illustres en faisant perir vne armee composee de cinquante mil hommes sans auoir apprehendé les deplorables suites du delaisement de ses biens, & de ses maisons; & en nos iours n'a on pas veu ce peuple fidele courir en foule à main armee sur les costes d'une extremité de la Prouince à l'autre pour repousser l'ennemy qui y auoit fait descente en diuers endroits, & n'a il pas montré en la reprise des Isles que la Grandeur de l'Estat luy est mille fois plus chere que tous ses biens qu'il y versa si liberalement avec le sang de tant de braues Citoyens.

Grand Roy. nous protestons hautement à Vostre Majesté que nous ne deffendons nos biens, nos vies, & nos libertez que pour les consacrer entierement à vostre seruice: Que nous ne respirons que la paix de vostre Estat, celle de cette Prouince, & la gloire de vostre Couronne, & que quelques efforts que puisse faire nostre Persecuteur pour nous pousser dans le precipice de la desobeyssance par vn effet de desesperoir dans la violence des maux qu'il nous fait souffrir, il ne scauroit iamaistant soit peu nous esbranler en l'obeyssance que nous vous devons, ny en la fidelité que nous vous auns vouée.

FIN.